

Pepa e tufa atu 9: Fautuaga i le Faagaetiaina o Talanoaga i Vaega Toalaiti

I lenei kosi atoa, o le a sili atu ona mafai ona tatou aoao mai le tasi ma le isi e ala i talanoaga faamaoni ma le le taotaomia. Na fetalai mai le Alii, “Ia tuu atu i tagata e tautala taitoatasi mai ae tuu i isi tagata uma e faalogologo i ana upu, ina a uma ai ona tautala mai o tagata uma, o le a faapea ona mafai ona faagaetia ai o tagata uma” (Mataupu Faavae ma Feagaiga 88:122). Mafaufau pe mafai faapefea ona fesoasoani fautuaga nei.

Ia taulamua.

- Sei vagana ua faatulagaina, e leai se taitai o talanoaga, o lea e te le tau faatali ai seiloga e taitaia e se tasi.
- Afai e te manao e fai atu se tala, saunoa loa. E mafai ona e fai atu se tala faapenei, “E i ai so’u manatu ou te fia faasoa atu.”

Taumafai ia paleni le auai.

- E sili atu ona tatou aoao pe a tatou faalogo atu i tagata uma o le vaega, ae le na o le tasi pe lua.
- Afai e masani ona e fiafia ma talanoa, faamolemole ia faaeteete ia aua nei e pulea le talanoaga po o le faalavelave ao talanoa isi.
- Afai e masani ona e filemu ma itiiti lou talanoa, faamolemole ia lototele ma tautala atu ina ia mafai e isi ona aoao mai ia te oe. Tuu ese le manatu faapea e le afaina lou manatu.

Ia taulai atu pea.

- Fesoasoani le tasi i le isi ia tumau i le ala nai lo le alu i luga o mea faitino pe na o le fegalegaleai i le taimi o le vasega.
- Taulai atu i le aoaoina faatasi nai lo le popole e uiga i le lipoti atu i isi tagata uma o le vasega.
- Ia manatua o se tasi o fa’amoemoega o lenei kosi o le fa’amalamalamaina atili. O lona uiga a o i ai i ni vaega toalaiti e taua le utuvai mai i anomea o punavai nai lo le na o le faasoa atu o ou lava manatu.

Ia avea ma se tagata e lotomauualalo ma faigofie ona aoaoina.

- Manatu faapea e mafai ona e aoao mai ia i latou i lau vaega, ma ia naunau e sui lou manatu.
- Ia sili atu le fiafia i le aoaoina o le upumoni nai lo le faamaonia o lou manatu.

Ia tusaafia.

- Ia taialaina e le alofa au talanoaga. Sa fautuaina e le Aposetolo o Paulo ia soo o Iesu Keriso e tautala “i le upu moni i le alofa” (Efeso 4:15).
- Manatua a tatou faasoa atu a tatou fesili, mafaufauga, lagona, ma aafiaga, tatou te tuua i tatou lava i se tulaga maaleale Taulimaina manatu o isi ma le faaaloalo ma le mamalu, aemaise lava pe a e le ioe i ai.
- A uma ona faasoa mai e tagata se mea, mafaufau e faaali atu lou lotofaafetai faamaoni mo lo latou naunau e tautala mai. E mafai ona e fai atu se tala e pei o le “Faafetai mo le faasoa mai,” “Sa aoga tele lena mea ona . . .,” “Ou te lei mafaufau lava i ai faapena,” po o le “Ou te le o mautinoa pe ou te auai i ai, ae ou te fiafia e aoao mai i lau vaaiga.”